



*Rabu, 11 Desember 2024*

**Ogen: Lukas 7:38,46**



**Iminakina Nahe Jesus**



**A**yat enda sada bagin arah peristiwa asum Jesus iundang sekalak kalak Parisi guna man i rumahna si tergelar Simon. Sangana man, reh sekalak diberu si labo ieteh ise ia, ja nari ia, tapi Lukas nuriken maka ia sekalak diberu perdosa. Ia reh maba sada botol marmar minak merim. Tangis ia ideher nahe Jesus, seh litap nahe Jesus ibahan iluhna jenari isapuina alu bukna. Iemaina nahe Jesus dengen iminakina alu minak si merim ndai.

Jesus mbandingkan kekelengen si dem alu kehamaten si ilakoken diberu e ras sikap Simon si la mere tanda kehamaten si semal i bas budaya Timur Tengah, umpamana bagi nuci nahe temue, mereken ciumen selamat datang, ntah minaki takal temue. Enda nuduhkensa maka diberu e sedar nandangi dosa-dosana ras ngatakan bujur i bas pengalemi/pengampunen. Tapi Simon aminna pe ia ngundang Jesus, labo situhuna ia enghamati ras sadar nandangi kebutuhan rohanina.

Arah diberu si encidahken sada tindakan keleng ate man Jesus, nuduhkan maka ia ngatakan bujur nandangi pengalemi dosa si ibereken Jesus man bana. Perbahanen diberu e jadi sada simbol kiniteken si tuhu-tuhu, labo saja i bas kata-kata tapi i bas sada perbahanen si nyata. Erlawanen ras sikap Simon si nuduhkan pusuh si mbergeh ras dem penilaian nandangi Jesus ras diberu e. Enda ncerminken megati kalak merasa "benar" secara moral tapi kebenen keleng ate si tuhu-tuhu. Diberu e mereken sada hal si meherga, minak merim dengen meherga sebage tanda keleng atena man Jesus. Uga kita? Bersedia nge kita mereken si terbaik man Tuhan i bas bentuk waktu, talenta bagepe erta nta? Siapai kita? Bagi Simon ntah bagi diberu e?

